

MB umum tujuh insentif RM127.78 juta bantu golongan terjejas Covid-19

SelangorKini.my

20 Mac 2020

by Norrasyidah Arshad

SHAH ALAM, 20 MAC: Kerajaan Selangor mengumumkan Pakej Selangor Prihatin Covid-19 kepada pelbagai golongan yang terkesan dengan pandemik ini, kata Dato' Seri Amirudin Shari.

Dato' Menteri Besar berkata perkara itu membabitkan tujuh inisiatif dengan nilai peruntukan RM127.78 juta yang memberikan manfaat kepada petugas barisan hadapan Covid-19, mahasiswa, peniaga, penjaja, usahawan Hijrah dan rakyat.

“Perintah Kawalan Pergerakan bermula Rabu lalu hingga 31 Mac ini memberi kesan kepada kehidupan rakyat,” katanya pada sidang media, hari ini.

Berikut merupakan inisiatif diberikan:

1. Pemberian RM200 kepada 6,000 petugas di semua hospital di Selangor.
2. Seramai 80,000 penjaja dan peniaga berlesan dikecualikan sewa selama sebulan serta mendapat bantuan RM500.
3. Penangguhan bayaran pinjaman selama tiga bulan kepada 40,000 peminjam Hijrah.

4. Seramai 2,500 anak Selangor yang belajar di Sabak dan Sarawak diberikan bantuan RM200 manakala pelajar di UNISEL, KUIS dan Kolej INPENS yang tidak pulang ke kampung diberikan bantuan makanan percuma bermula 22 hingga 31 Mac.

5. Penangguhan bayaran sewa tiga bulan kepada 2,700 penyewa Skim Smart Sewa.

6. Penggunaan Khas Peruntukan Ahli Dewan Negeri (ADN) sebanyak RM30,000 untuk bantu rakyat terkesan Covid-19.

7. Kelonggaran pembayaran cukai tanah atau petak selama sebulan.

© Copyright 2019 - Developed for the People of Selangor

Source: <https://selangorkini.my/2020/03/mb-umum-tujuh-insentif-rm127-78-juta-bantu-golongan-terjejas-covid-19a/>